

四庫全書

史部

欽定四庫全書

史記正義卷一百二十五

唐 張守節 撰

佞幸列傳第六十五 史記一百二十五

諺曰力田不如逢年善仕不如遇合固無虛言非獨女
以色媚而士官亦有之昔以色幸者多矣至漢興高祖

至暴抗也然籍孺以佞幸孝惠時有閼孺

籍閼皆名也孺幼小

也此兩人非有材能徒以婉佞貴幸與上卧起公卿皆

因闢說故孝惠時郎侍中皆冠鷄鵠具帶傳脂粉化閼

籍之屬也兩人徙家安陵

惠帝陵邑

孝文時中寵臣士人則鄧

通官者則趙同北宮伯子

顏云姓北宮名伯子也按伯子名北宮之官者也

北宮

伯子以愛入長者而趙同以星氣幸常為文帝參乘鄧

通無伎能鄧通蜀郡南安人也以濯船為黃頭郎孝文

帝夢欲上天不能有一黃頭郎從後推之上天顧見其

衣絮帶後穿覺而之漸臺

括地志云漸臺在長安故城中閼中記云未央宮西有蒼

池池中有漸臺王莽死於此臺

以夢中陰自求推者郎即見鄧通其衣

後穿夢中所見也召問其名姓姓鄧氏名通文帝說焉
尊幸之日異通亦愿謹不好外交雖賜洗沐不欲出於
是文帝賞賜通巨萬以十數

言賜通巨萬以至於十也

官至上大夫

文帝時時如鄧通家遊戲然鄧通無他能不能有所薦
士獨自謹其身以媚上而已上使善相者相通曰當貧
餓死文帝曰能富通者在我也何謂貧乎於是賜鄧通

蜀嚴道銅山

括地志云雅州榮經縣北三里有銅山即鄧通得賜銅山鑄錢者邑榮經即嚴道

得自鑄錢鄧氏錢

錢譜云文字稱兩同漢四銖文

布天下其富如此文

帝嘗病癰鄧通常為帝喑吮之文帝不樂從容問通曰天下誰最愛我者乎通曰宜莫如太子太子入問病文帝使喑癰喑而色難之已而聞鄧通常為帝喑吮之心慙由此怨通矣及文帝崩景帝立鄧通免家居居無何人有告鄧通盜出徼外鑄錢下吏驗問頗有之遂竟案盡没入鄧通家尚負責數巨萬長公主賜鄧通吏輒隨没入之一簪不得著身於是長公主乃令假衣食竟不得名一錢寄死人家孝景帝時中無寵臣然獨郎中

令周文仁仁寵最過庸不乃甚篤今天子中寵臣士人則韓王孫媽宦者則李延年

媽者弓高侯孽孫也今上為膠東王時媽與上學書相愛及上為太子愈益親媽媽善騎射善佞上即位欲事伐匈奴而媽先習胡兵以故益尊貴官至上大夫賞賜擬於鄧通時媽常與上卧起江都王入朝有詔得從入獵上林中天子車駕蹕道未行而先使媽乘副車從數十百騎驚馳視獸江都王望見以為天子辟從者伏謁

道傍媽驅不見既過江都王怒為皇太后泣曰請得歸國入宿衛比韓媽太后由此嘯媽媽侍上出入永巷不禁以姦聞皇太后皇太后怒使使賜媽死上為謝終不能得媽遂死而案道侯韓說其弟也亦佞幸

李延年中山人也父母及身兄弟及女皆故倡也延年坐法腐給事狗中而平陽公主言延年女弟善舞上見心說之及入永巷而召貴延年延年善歌為變新聲而上方興天地祠欲造樂詩歌弦之延年善承意弦次初

詩其女弟亦幸有子男延年佩二千石印號協聲律與
上卧起甚貴幸埒如韓嫣也久之寢與中人亂出入驕
恣及其女弟李夫人卒後愛弛則禽誅延年昆弟也自
是之後內寵嬖臣大底外戚之家然不足數也衛青霍
去病亦以外戚貴幸然頗用材能自進

太史公曰甚哉愛憎之時彌子瑕之行足以觀後人佞
幸矣雖百世可知也

史記正義卷一百二十五

欽定四庫全書

史記正義卷一百二十六

唐 張守節 撰

滑稽列傳第六十六

史記一百二十六

孔子曰六藝於治一也

言六藝之文雖異禮節樂和藹民立政天下平定其歸一揆至

於談言微中亦以解其紛亂故治一也

禮以節人樂以發和書以道事詩

以達意易以神化春秋以義

太史公曰天道恢恢豈不大哉談言微中亦可以解紛

淳于髡者齊之贅婿也長不滿七尺滑稽多辯數使諸侯未嘗屈辱齊威王之時喜隱好為淫樂長夜之飲沈湎不治委政卿大夫百官荒亂諸侯並侵國且危亡在於旦暮左右莫敢諫淳于髡說之以隱曰國中有大鳥止王之庭三年不蜚又不鳴王知此鳥何也王曰此鳥不飛則已一飛冲天不鳴則已一鳴驚人於是乃朝諸縣令長七十二人賞一人誅一人奮兵而出諸侯振驚皆還齊侵地威行三十六年語在田完世家中威王八

年楚大發兵加齊齊王使淳于髡之趙請救兵齊金百斤車馬十駟淳于髡仰天大笑冠纓索絕王曰先生少之乎髡曰何敢王曰笑豈有說乎髡曰今者臣從東方來見道傍有穰田者操一豚蹄酒一盃而祝曰甌窶滿

篝

甌窶音樓篝音滿籠也甌樓謂高地狹小之區得滿篝籠也

汙邪滿車

汙音烏

五穀蕃

熟穰穰滿家臣見其所持者狹而所欲者奢故笑之於是齊威王乃益齎黃金千鎰白璧十雙車馬百駟髡辭而行至趙趙王與之精兵十萬草車千乘楚聞之夜引

兵而去威王大說置酒後宮召髡賜之酒問曰先生能飲幾何而醉對曰臣飲一斗亦醉一石亦醉威王曰先生飲一斗而醉惡能飲一石哉其說可得聞乎髡曰賜酒大王之前執法在傍御史在後髡恐懼俯伏而飲不過一斗徑醉矣若親有嚴客髡奉觴鞠臚侍酒於前時賜餘滙奉觴上壽數起飲不過二斗徑醉矣若朋友交遊久不相見卒然相覩歡然道故私情相語飲可五六斗徑醉矣若乃州閭之會男女雜坐行酒稽留六博投

壺相引為曹握手無罰目昭不禁前有墮珥後有
遺簪髡竊樂此飲可八斗而醉二參日暮酒闌合尊促
坐男女同席履舄交錯杯盤狼藉堂上燭滅主人留髡
而送客羅襦襟解微聞薜澤當此之時髡心最歡能飲
一石故曰酒極則亂樂極則悲萬事盡然言不可極極
之而哀以諷諫焉齊王曰善乃罷長夜之飲以髡為諸
侯主客

今鴻臚
卿也

宗室置酒髡嘗在側其後百餘年楚有

優孟

優孟者故楚之樂人也長八尺多辯常以談笑諷諫楚莊王之時有所愛馬衣以文繡置之華屋之下席以露床啗以棗脯馬病肥死使羣臣喪之欲以棺槨大夫禮葬之左右爭之以為不可王下令曰有敢以馬諫者罪至死優孟聞之入殿門仰天大哭王驚而問其故優孟曰馬者王之所愛也以楚國堂堂之大何求不得而以大夫禮葬之薄請以人君禮葬之王曰何如對曰臣請以彫玉為棺文梓為槨梗楓豫章為題湊

梗頭
縣反

發甲卒

為穿墻老弱負土齊趙陪位於前韓魏翼衛其後廟食
太牢奉以萬戶之邑諸侯聞之皆知大王賤人而貴馬
也王曰寡人之過一至此乎為之奈何優孟曰請為大
王六畜葬之以壠竈為椁銅厯為棺齎以薑棗薦以木
蘭祭以糴稻衣以火光葬之於人腹腸於是王乃使以
馬屬太官無令天下久聞也楚相孫叔敖知其賢人也
善待之病且死屬其子曰我死汝必貧困若往見優孟
言我孫叔敖之子也居數年其子窮困負薪逢優孟與

言曰我孫叔敖之子也父且死時屬我貧困往見優孟
優孟曰若無遠有所之即為孫叔敖衣冠抵掌談語歲
餘像孫叔敖楚王左右不能別也莊王置酒優孟前為壽
莊王大驚以為孫叔敖復生也欲以為相優孟曰請歸
與婦計之三日而為相莊王許之三日後優孟復來王
曰婦言謂何孟曰婦言慎無為楚相不足為也如孫叔
敖之為楚相盡忠為廉以治楚楚王得以霸今死其子
無立錫之地貧困負薪以自飲食必如孫叔敖不如自

殺因歌曰山居耕田苦難以得食起而為吏身貪鄙者
餘財不顧耻辱身死家室富又恐受賕枉法為姦觸大
罪身死而家滅貪吏安可為也念為廉吏奉法守職竟
死不敢為非廉吏安可為也楚相孫叔敖持廉至死方
今妻子窮困負薪而食不足為也於是莊王謝優孟乃
召孫叔敖子封之寢丘今光州固始縣本寢丘邑也呂氏春秋云楚孫叔敖有功於國
疾將死戒其子曰王數欲封我我辭不受我死必封汝汝無受利地荆楚間有寢丘者其為地不利而前有姑
谷後有丘其名惡可長有也其子從四百戶以奉其
之楚功臣封二世而收唯寢丘不奪也

祀後十世不絕此知可以言時矣其後二百餘年秦有
優旃

優旃者秦倡朱儒也善為笑言然合於大道秦始皇時

置酒而天雨陛楯者皆沾寒優旃見而哀之謂之曰汝

欲休乎陛楯者皆曰幸甚優旃曰我即呼汝汝疾應曰

諾居有頃殿上上壽呼萬歲優旃臨檻

御覽反

大呼曰陛

楯郎郎曰諾優旃曰汝雖長何益幸雨立我雖短也幸休

居於是始皇使陛楯者得半相代始皇嘗議欲大苑囿

東至函谷關西至雍陳倉

今岐州雍縣及陳倉縣也

優旃曰善多縱

禽獸於其中寇從東方來令麋鹿觸之足矣始皇以故輟止二世立又欲漆其城優旃曰善主上雖無言臣固將請之漆城雖於百姓愁費然佳哉漆城蕩蕩寇來不能上即欲就之易為漆耳顧難為蔭室於是二世笑之以其故止居無何二世殺死優旃歸漢數年而卒

太史公曰淳于髡仰天大笑齊威王橫行優孟搖頭而歌負薪者以封優旃臨檻疾呼陞楯得以半更豈不亦

偉哉

褚先生曰臣幸得以經術為郎而好讀外家傳語竊不
遜讓復作故事滑稽之語六章編之於左可以覽觀揚
意以示後世好事者讀之以游心駭耳以附益上方太
史公之三章武帝時有所幸倡郭舍人者發言陳辭雖
不合大道然令人主和說武帝少時東武侯母常養帝
之曰大乳母率一月再朝朝奏入有詔使幸臣馬游卿

高祖功臣奏云東武侯郭家高祖六年封子
他孝景六年棄市國除蓋他母常養武帝

帝壯時號

以帛五十匹賜乳母又奉飲糒飧養乳母乳母上書曰
某所有公田願得假倩之帝曰乳母欲得之乎以賜乳
母乳母所言未嘗不聽有詔得令乳母乘車行馳道中
當此之時公卿大臣皆敬重乳母乳母家子孫奴從者
橫暴長安中當道掣頓人車馬奪人衣服聞於中不忍
致之法有司請徙乳母家室處之於邊奏可乳母當入
至前面見辭乳母先見郭舍人為下泣舍人曰即入見
辭去疾步數還顧乳母如其言謝去疾步數還顧郭舍

人疾言罵之曰吐老女子何不疾行陛下已壯矣寧尚
須汝乳而活邪尚何還顧於是人主憐焉悲之乃下詔
止無徙乳母罰謫譖之者

武帝時齊人有東方生名朔

漢書云平原厭次人也輿地志云厭次宜是富平縣

之鄉聚名也括地云富平故城在倉州陽信縣東南四十里漢縣也以好古傳書愛經術

多所博觀外家之語朔初入長安至公車上書

百官表云衛尉

屬官有公車司馬漢儀注云公車司馬掌殿司馬門夜微宮天下上事及闕下几所微召皆聽領之殊六百石

凡用三千奏牘公車令兩人共持舉其書僅然能勝之

人主從上方讀之止輒乙其處讀之二月乃盡詔拜以
為郎常在側侍中數召至前談語人主未嘗不說也時
詔賜之食於前飯已盡懷其餘肉持去衣盡汙數賜縑
帛擔揭而去徒用所賜錢帛取少婦於長安中好女率
取婦一歲所者即棄去更取婦所賜錢財盡索之於女
子人主左右諸郎半呼之狂人人主聞之曰令朔在事
無為是行者若等安能及之哉朔任其子為郎又為侍
謁者常持節出使朔行殿中郎謂之曰人皆以先生為

狂朔曰如朔等所謂避世於朝廷間者也古之人乃避世於深山中時坐席中酒酣據地歌曰陸沈於俗避世金馬門宮殿中可以避世全身何必深山之中蒿廬之下金馬門者官署門也門傍有銅馬故謂之曰金馬門時會聚宮下博士諸先生與論議共難之曰蘇秦張儀一當萬乘之主而都卿相之位澤及後世今子大夫修先王之術慕聖人之義諷誦詩書百家之言不可勝數著於竹帛自以為海內無雙即可謂博聞辯智矣然悉

力盡忠以事聖帝曠日持久積數十年官不過侍郎位
不過執戟意者尚有遺行邪其故何也東方生曰是固
非子之所能備也彼一時也此一時也豈可同哉夫張
儀蘇秦之時周室大壞諸侯不朝力政爭權相禽以兵
并為十二國未有雌雄得士者亡故說聽行通身處尊
位澤及後世子孫長榮今非然也聖帝在上德流天下
諸侯賓服威振四夷連四海之外以為席安於覆孟天
下平均合為一家動發舉事猶如運之掌中賢與不肖

何以異哉方今以天下之大士民之衆竭精馳說並進輻湊者不可勝數悉力慕義困於衣食或失門戶使張儀蘇秦與僕並生於今之世曾不能得掌故安敢望常時侍郎乎傳曰天下無害菑雖有聖人無所施其才上下和同雖有賢者無所立功故曰時異則事異雖燕安可以不務修身乎詩曰鼓鍾于宮聲聞于外鶴鳴九臯聲聞于天苟能修身何患不榮太公躬行仁義七十二年逢文王得行其說封於齊七百歲而不絕此士之所

以日夜孜孜修學行道不敢止也今世之處士時雖不用崛然獨立塊然獨處上觀許由下察接輿策同范蠡忠合子胥天下和平與義相扶寡偶少徒固有常也子何疑於余哉於是諸先生默然無以應也建章宮

在長安縣

西北二十里
長安故城中

後閣重櫺中有物出焉其狀似麋以聞武

帝往臨視之問左右羣臣習事通經術者莫能知詔東方朔視之朔曰臣知之願賜美酒梁飯大飧臣臣乃言詔曰可已飧又曰某所有公田魚池蒲葦數頃陛下以

賜臣臣朔乃言詔曰可於是朔乃肯言曰所謂騶牙者也遠方當來歸義而騶牙先見其齒前後若一齊等無牙故謂之騶牙其後一歲所匈奴混邪王果將十萬衆來降漢乃復賜東方生錢財甚多至老朔且死時諫曰詩云營營青蠅止于蕃愷悌君子無信讒言讒言罔極交亂四國願陛下遠巧佞退讒言帝曰今顧東方朔多善言怪之居無幾何朔果病死傳曰鳥之將死其鳴也哀人之將死其言也善此之謂也

武帝時大將軍衛青者衛后兄也封為長平侯從軍擊匈奴至余吾水上而還斬首捕虜有功來歸詔賜金千斤將軍出宮門齊人東郭先生以方士待詔公車當道遮衛將軍車拜謁曰願白事將軍止車前東郭先生旁車言曰王夫人新得幸於上家貧今將軍得金千斤誠以其半賜王夫人之親人主聞之必喜此所謂奇策便計也衛將軍謝之曰先生幸告之以便計請奉教於是衛將軍乃以五百金為王夫人之親壽王夫人以聞武

帝帝曰大將軍不知為此問之安所受計策對曰受之
待詔者東郭先生詔召東郭先生拜以為郡都尉東郭
先生久待詔公車貧困饑寒衣敝履不完行雪中履有
上無下足盡踐地道中人笑之東郭先生應之曰誰能
履行雪中令人視之其上履也其履下處乃似人足者
乎及其拜為二千石佩青綬出宮門行謝主人故所以
同官待詔者等比祖道於都門外榮華道路立名當世
此所謂衣褐懷寶者也當其貧困時人莫省視至其貴

也乃爭附之諺曰相馬失之瘦相士失之貧其此之謂邪王夫人病甚入主至自往問之曰子當為王欲安所置之對曰願居洛陽人主曰不可洛陽有武庫教倉當闕口天下咽喉自先帝以來傳不為置王然關東國莫大於齊可以為齊王王夫人以手擊頭呼幸甚王夫人死號曰齊王太后薨昔者齊王使淳于髡獻鵠於楚出邑門道飛其鵠徒揭空籠造詐成辭往見楚王曰齊王使臣來獻鵠過於水上不忍鵠之渴出而飲之去我飛

亡吾欲刺腹絞頸而死恐人之議吾王以鳥獸之故令
士自傷殺也鵠毛物多相類者吾欲買而代之是不信
而欺吾王也欲赴佗國奔亡痛吾兩主使不通故來服
過叩頭受罪大王楚王曰善齊王有信士若此哉厚賜
之財倍鵠在也

武帝時徵北海太守詣行在所有文學卒史王先生者
自請與太守俱吾有益於君君許之諸府掾功曹白云
王先生嗜酒多言少實恐不可與俱太守曰先生意欲

行不可逆遂與俱行至宮下待詔官府門王先生徒懷
錢沽酒與衛卒僕射飲日醉不視其太守太守入跪拜
王先生謂戶郎曰幸為我呼吾君至門內遙語戶郎為
呼太守太守來望見王先生王先生曰天子即問君何
以治北海今青州今無盜賊君對曰何哉對曰選擇賢材
各任之以其能賞異等罰不肖王先生曰對如是是自
譽自伐功不可也願君對言非臣之力盡陛下神靈威
武所變化也太守曰諾召入至于殿下有詔問之曰何

以治北海令盜賊不起叩頭對言非臣之力盡陛下神靈威武之所變化也武帝大笑曰於呼安得長者之語而稱之安所受之對曰受之文學卒史帝曰今安在對曰在官府門外有詔召拜王先生為水衡丞以北海太守為水衡都尉傳曰美言可以市尊行可以加人君子相送以言小人相送以財

魏文侯時西門豹為鄴令

今相州縣也

豹往到鄴會長老問

之民所疾苦長老曰苦為河伯娶婦

河伯華陽潼鄉人姓馮氏名夷洛於

河中而溺死遂為河伯娶婦也

以故貧豹問其故對曰鄴三老廷掾常

歲賦歛百姓收取其錢得數百萬用其二三十萬為河

伯娶婦與祝巫共分其餘錢持歸當其時巫行視人家

女好者云是當為河伯婦即娉取洗沐之為治新繒綺

縠衣間居齋戒為治齋宮河上張緹絳帷

緹他禮反顧野王云黃亦

色也又音啼厚繒也

女居其中為具牛酒飯食行十餘日共粉飾

之如嫁女床席令女居其上浮之河中始浮行數十里

乃沒其人家有好女者恐大巫祝為伯取之以故多持

女遠逃亡以故城中益空無人又因貧所從來久遠矣
民人俗語曰即不為河伯娶婦水來河沒溺其人民云
西門豹曰至為河伯娶婦時願三老

亭三老

巫祝父老送

女河上幸來告語之吾亦往送女皆曰諾至其時西門
豹往會之河上三老官屬豪長者里父老皆會以人民
往觀之者三二千其巫老女子也已年七十從弟子女
十人所皆衣繒單衣立大巫後西門豹曰子河伯婦來
視其好醜即將女出帷中來至前豹視之顧謂三老巫

祝父老曰是女子不好煩大巫嫗為入報河伯得更求
好女後日送之即使吏卒共抱大巫嫗投之河中有頃
曰巫嫗何久也弟子趣之復以弟子一人投河中有頃
曰弟子何久也復使一人趣之復投一弟子河中凡投三
弟子西門豹曰巫嫗弟子是女子也不能白事煩三老
為入白之復投三老河中西門豹簪筆磬折簪筆謂
以毛裴
簪頭長五寸紳在冠前謂之為華言紳筆備禮也磬折
謂曲體揖之若石磬之形曲折也磬一片黑石凡十二
片樹在虛上擊之其形皆中
曲垂兩頭言人臂則似也
嚮河立待良久長老更傍

觀者皆驚恐西門豹顧曰巫嫗三老不來還奈之何欲復使廷掾與豪長者一人入趣之皆叩頭叩頭且破額血流地色如死灰西門豹曰諾且留待之須臾須臾豹曰廷掾掾起矣狀河伯留客之久若皆罷去歸矣鄴吏民大驚恐從是以後不敢復言為河伯娶婦西門豹即發民鑿

十二渠引河水灌民田

括地志云按橫渠首接章水蓋西門豹史起所鑿之渠也溝洫

志云魏文侯時西門豹為鄴令有令名至文侯曾豫乘王與羣臣飲祝曰今吾為臣皆非西門豹之為人臣也史起進曰魏氏之行西也以百畝鄴獨二百畝是田惡也漳水在其傍西門不知用是不智知而不與是不仁

仁智豹未之盡何足法也於是史起為鄴令遂引漳水
溉鄴以富漳魏之河名左思魏賦云西門既其前史起
也田皆既當其時民治渠少煩苦不欲也豹曰民可
以樂成不可與慮始今父老子弟雖患苦我然百歲後
則令父老子孫思我言至今皆得水利民人以給足富
十二渠經絕馳道到漢之立而長吏以為十二渠橋絕
馳道相比近不可欲合渠水且至馳道合三渠為一橋
鄴民入父老不肯聽長吏以為西門君所為也賢君之
法式不可更也長吏終聽置之故西門豹為鄴令名聞

天下澤流後世無絕已時幾可謂非賢大夫哉傳曰子
產治鄭民不能欺子賤治單父民不忍欺西門豹治鄴
民不敢欺三子之才能誰最賢哉辭治者當能別之



史記正義卷一百二十六

欽定四庫全書

史部

史記正義卷一百二十七至一百三十

詳校官編修臣李如筠

欽定四庫全書

史記正義卷一百二十七

一百二十七

唐 張守節 撰

日者列傳第六十七

史記一百二十七

自古受命而王王者之興何嘗不以卜筮決于天命哉
其於周尤甚及秦可見代王之入任於卜者太卜之起
由漢興而有

司馬季主者楚人也卜於長安東市宋忠為中大夫賈

誼為博士同日俱出洗沐

漢官五日一假洗沐也

相從論議誦易

先王聖人之道術究徧人情相視而歎賈誼曰吾聞古之聖人不居朝廷必在卜醫之中今吾已見三公九卿朝士大夫皆可知矣試之卜數中以觀采二人即同輿而之市游於卜肆中天新雨道少人司馬季主間坐弟子三四人侍方辯天地之道日月之運陰陽吉凶之本二大夫再拜謁司馬季主視其狀貌如類有知者即禮之使弟子延之坐坐定司馬季主復理前語分別天地

之終始日月星辰之紀差次仁義之際列吉凶之符語
數千言莫不順理宋忠賈誼瞿然而悟獵纓正襟危坐
曰吾望先生之狀聽先生之辭小子竊觀於世未嘗見
也今何居之卑何行之汙司馬季主捧腹大笑曰觀大
夫類有道術者今何言之陋也何辭之野也今夫子所
賢者何也所高者誰也今何以卑汙長者二君曰尊官
厚祿世之所高也賢才處之今所處非其地故謂之卑
言不信行不驗取不當故謂之汙夫卜筮者世俗之所

賤簡也世皆言曰夫卜者多言誇嚴以得人情虛高人
祿命以說人志擅言禍災以傷人心矯言鬼神以盡人
財厚求拜謝以私於己此吾之所耻故謂之卑汙也司
馬季主曰公且安坐公見夫被髮童子乎日月照之則
行不照則止問之日月疵瑕吉凶則不能理由是觀之
能知別賢與不肖者寡矣賢之行也直道以正諫三諫
不聽則退其譽人也不望其報惡人也不顧其怨以便
國家利衆為務故官非其任不處也祿非其功不受也

見人不正雖貴不敬也見人有汙雖尊不下也得為
喜去不為恨非其罪也雖累辱而不愧也今公所謂賢
者皆可為羞矣卑疵而前纖趨而言相引以勢相導以
利比周賔正以求尊譽以受公奉事私利枉主法獵農
民以官為威以法為機求利逆暴譬無異於操白刃劫
人者也初試官時倍力為巧詐飾虛功執空文以調主
上用居上為右試官不讓賢陳功見偽增實以無為有
以少為多以求便勢尊位食飲驅馳從姬歌兒不顧於

親犯法害民虛公家此夫為盜不操矛弧者也攻而不
用弦刃者也欺父母未有罪而弑君未伐者也何以為
高賢才乎盜賊發不能禁夷貊不服不能攝姦邪起不
能塞官耗亂不能治四時不和不能調歲穀不孰不能
適才賢不為是不忠也才不賢而託官位利上奉姑賢
者處是竊位也有人者進有財者禮是偽也子獨不見
鷦巢之與鳳皇翔乎蘭芷兮翥葉於廣野蒿蕭成林
使君子退而不顯衆公等是也述而不作君子義也今夫

卜者必法天地象四時順於仁義分策定卦按式正碁
然後言天地之利害事之成敗昔先王之定國家必先
龜策日月而後乃敢代正時日乃後入家產子必先占
吉凶乃有之自伏羲作八卦周文王演三百八十四爻
而天下治越王勾踐做文王八卦以破敵國霸天下由
是言之卜筮有何負哉且夫卜筮者掃除設坐正其冠
帶然後乃言事此有禮也言而鬼神或以饗忠臣以事
其上孝子以養其親慈父以畜其子此有德者也而以

義置數十百錢病者或以愈且死或以生患或以免事
或以成嫁子娶婦或以養生此之為德豈直數十百錢
哉此夫老子所謂上德不德是以有德今夫卜筮者利
大而謝少老子之云豈異於是乎莊子曰君子內無飢
寒之患外無劫奪之憂居上而敬居下不為害君子之
道也今夫卜筮者之為業也積之無委藏之不用府庫
徒之不用輜車負裝之不重止而用之無盡索之時持
不盡索之物游於無窮之世雖莊氏之行未能增於是

也子何故而云不卜哉天不足西北星辰西北移地不足東南以海為池日中必移月滿必虧先王之道乍存乍亡公責卜者言不信不亦惑乎公見夫談士辯人乎慮事定計必是人也然不能以一言說人主意故言必稱先王語必道上古慮事定計飾先王之成功語其敗害以恐喜人主之志以求其欲多言誇嚴莫大於此矣然欲疆國成功盡忠於上非此不立今夫卜者導惑教愚也夫愚惑之人豈能以一言而知之哉言不厭多故

騏驥不能與罷驢為駟而鳳皇不與燕雀為羣而賢者亦不與不肖者同列故君子處卑隱以辟衆自匿以辟倫微見德順以除羣害以明天性勸上養下多其功利不求尊譽公之等喁喁者也何知長者之道乎宋忠賈誼忽而自失芒乎無色悵然噤口不能言於是搢衣而起再拜而辭行洋洋也出市門僅能自上車伏軾低頭卒不能出氣居三日宋忠見賈誼於殿門外乃相引屏語相謂自歎曰道高益安勢高益危居赫赫之勢失身

且有日矣夫卜而有不審不見奪藉為人主計而不審
身無所處此相去遠矣猶天冠地屨也此老子之所謂
無名者萬物之始也天地曠曠物之熙熙或安或危莫
知居之我與若何足預彼哉彼久而愈安雖曾氏之義
未有以異也久之宋忠使匈奴不至而還抵罪而賈誼
為梁懷王傳王墮馬薨誼不食毒恨而死此務華絕根者
也

太史公曰古者卜人所以不載者多不見於篇及至司

馬季主余志而著之

褚先生曰臣為郎時游觀長安中見卜筮之賢大夫觀其起居行步坐起自動誓正其衣冠而當鄉人也有君子之風見性好解婦來卜對之顏色嚴振未嘗見齒而笑也從古以來賢者避世有居止舞澤者有居民間閉口不言有隱居卜筮間以全身者夫司馬季主者楚賢大夫游學長安通易經術黃帝老子博聞遠見觀其對二大夫貴人之談言稱引古明王聖人道固非淺聞小數

之能及卜筮立名聲千里者各往往而在傳曰富為上
貴次之既貴各各學一技能立其身黃直丈夫也陳君
夫婦人也以相馬立名天下齊張仲曲成侯以善擊刺
學用劍立名天下留長孺以相鼠立名滎陽褚氏以相
牛立名能以技能立名者甚多皆有高世絕人之風何
可勝言故曰非其地樹之不生非其意教之不成夫家
之教子孫當視其所以好好舍苟生活之道因而成之
故曰制宅命子足以觀士子有處所可謂賢人臣為郎

時與太卜待詔為郎者同署言曰孝武帝時聚會占家問之某日可取婦乎五行家曰可堪輿家曰不可建除家曰不吉叢辰家曰大凶厯家曰小凶天人家曰小吉太一家曰大吉辯訟不決以狀聞制曰避諸死忌以五行為主取於五行者也

史記正義卷一百二十七

欽定四庫全書

史記正義卷一百二十八

唐 張守節 撰

龜策列傳第六十八

史記至元成間十篇有錄無書而褚少孫補景武紀將相年表禮書

樂書律書三王世家蒯成侯曰者龜策列傳曰者龜策言辭最鄙陋非太史公之本意也史記一百

二十八

太史公曰自古聖王將建國受命興動事業何嘗不寶卜筮以勸善唐虞以上不可記已自三代之興各據禎

祥塗山之兆從而夏啟世飛燕之卜順故殷興百穀之
筮吉故周王王者決定諸疑參以卜筮斷以蓍龜不易
之道也蠻夷氏羌雖無君臣之序亦有決疑之卜或以
金石或以草木國不同俗然皆可以戰伐攻擊推兵求
勝各信其神以知來事畧聞夏殷欲卜者乃取蓍龜已
則弃去之以為龜藏則不靈著久則不神至周室之卜
官常寶藏蓍龜又其大小先後各有所尚要其歸等耳
或以為聖王遺事無不定決疑無不見其故稽神求問

之道者以為後世衰微愚不師智人各自安化分為百
室道散而無垠故推歸之至微要潔於精神也或以為
昆蟲之所長聖人不能與爭其處吉凶別然否多中於
人至高祖時因秦太卜官天下始定兵革未息及孝惠
享國日小呂后女主孝文孝景因襲掌故未遑講試雖
父子疇官世世相傳其精微深妙多所遺失至今上即
位博開藝能之路悉延百端之學通一伎之士咸得自
効絕倫超奇者為右無所阿私數年之間太卜大集會

上欲擊匈奴西攘大宛南收百越卜筮至預見表象先圖其利及猛將推鋒執節獲勝於彼而著龜時日亦有力於此上尤加意賞賜至或數千萬如丘子明之屬富溢貴寵傾於朝廷至以卜筮射蟲道巫蠱時或頗中素有眦睚不快因公行誅恣意所傷以破族滅門者不可勝數百僚蕩恐皆曰龜策能言後事覺奸窮亦誅三族夫撻策定數灼龜觀兆變化無窮是以擇賢而用占焉可謂聖人重事者乎周公卜三龜而武王有瘳紂為暴

雲而元龜不占晉文將定襄王之位卜得黃帝之兆卒
受彤弓之命獻公貪驪姬之色卜而兆有口象其禍竟
流五世楚靈將背周室卜而龜逆終被乾溪之敗兆應
信誠於內而時人明察見之於外可不謂兩合者哉君
子謂夫輕卜筮無神明者悖背人道信頑祥者鬼神不
得其正故書建稽疑五謀而卜筮居其二五占從其多
明有而不專之道也余至江南觀行事問其長老云龜
千歲乃遊蓮葉之上著百莖共一根又其所生獸無虎

狼草無毒螫江傍家人常畜龜飲食之以為能導引致氣有益於助衰養老豈不信哉褚先生曰臣以通經術受業博士治春秋以高第為郎幸得宿衛出入宮殿中十有餘年竊好太史公傳太史公之傳曰三王不同龜四夷各異卜然各以決吉凶畧闕其要故作龜策列傳臣往來長安中求龜策列傳不能得故之太卜官問掌故文學長老習事者寫取龜策卜事編于下方聞古五帝三王發動舉事必先決蓍龜傳曰下有伏靈上有鬼

絲上有擣着下有神龜所謂伏靈者在兔絲之下狀似
飛鳥之形新雨已天清靜無風以夜捎兔絲去之即以
篝燭此地燭之火滅即記其處以新布四丈環置之明
即掘取之入四尺至七尺得矣過七尺不可得伏靈者
千歲松根也食之不死聞着生滿百莖者其下必有神
龜守之其上常有青雲覆之傳曰天下和平王道得而
著莖長丈其叢生滿百莖方今世取着者不能中古法
度不能得滿百莖長丈者取八十莖已上着長八尺

即難得也人民好用卦者取滿六十莖已上長滿六尺者即可用矣記曰能得名龜者財物歸之家必大富至千萬一曰北斗龜二曰南辰龜三曰五星龜四曰八風龜五曰二十八宿龜六曰日月龜七曰九州龜八曰玉龜凡八名龜圖各有文在腹下文云云者此某之龜也畧記其大指不寫其圖取此龜不必滿尺二寸民人得長七八寸可寶矣今夫珠玉寶器雖有所深藏之見其光必出其神明其此之謂乎故玉處於山而木潤淵

生珠而岸不枯者潤澤之所加也明月之珠出於江海
藏於蚌中蚺龍伏之王者得之長有天下四夷賓服能
得百莖著并得其下龜以卜者百言百當足以決吉
凶神龜出於江水中廬江郡常歲時生龜長尺二寸者
二十枚輸太卜官太卜官因以吉日剔取其腹下甲龜
千歲乃滿尺二寸王者發軍行將必鑽龜廟堂之上
以決吉凶今高廟中有龜室藏內以為神寶傳曰取前
足臑骨穿佩之取龜置室西北隅懸之以入深山大林

中不惑臣為郎時見萬畢石朱方傳曰有神龜在江南
嘉林中嘉林者獸無虎狼為無鴟梟草無毒螫野
火不及斧斤不至是為嘉林龜在其中常巢於芳蓮之
上左脅書文曰甲子重光得我者匹夫為人君有土正
諸侯得我為帝王求之於白蛇蟠杆林中者齋戒以待
凝然狀如有人來告之因以醺酒佗髮求之三宿而得
由是觀之豈不偉哉故龜可不敬歟南方老人用龜支
牀足行二十餘歲老人死移牀龜尚生不死龜能行氣

導引問者曰龜至神若此然太卜官得生龜何為輒殺
取其甲乎近世江上人有得名龜畜置之家因大富與
人議欲遣去人教殺之勿遣遣之破人家龜見夢曰送
我水中無殺吾也其家終殺之殺之後身死家不利人
民與君王者異道人民得名龜其狀類不宜殺也以往
古故事言之古明王聖主皆殺而用之宋元王時得龜
亦殺而用之謹連其事於左方令好事者觀擇其中焉
宋元王二年江使神龜使於河至於泉陽漁者豫且舉

網得而囚之置之籠中夜半寤來見夢於宋元王曰我
為江使於河而幕網當吾路泉陽豫且得我我不能去
身在患中莫可告語王有德義故來告訴元王惕然而
悟乃召博士衛平而問之曰今寡人夢見一丈夫延頸
而長頭衣玄繡之衣而乘輜車來見夢於寡人曰我為
江使於河而幕網當吾路泉陽豫且得我我不能去身
在患中莫可告語王有德義故來告訴是何物也衛平
乃援式而起仰天而視月之光觀斗所指定日處鄉規

矩為輔副以權衡四維已定八卦相望視其吉凶介蟲
先見乃對元王曰今昔壬子宿在牽牛河水大會鬼神
相謀漢正南北

漢大
河

江河固期南風新至江使先來白

雲壅漢萬物盡留斗柄指日使者當囚左服而乘輜車
其名為龜王急使人問而求之王曰善於是王乃使人
馳而往問泉陽令曰漁者幾何家名誰為豫且豫且得
龜見夢於王王故使我求之泉陽令乃使吏案籍視圖
水上漁者五十五家上流之廬名為豫且泉陽令曰諾

乃與使者馳而問豫且曰今昔汝漁何得豫且曰夜半時舉網得龜使者曰今龜安在曰在籠中使者曰王知子得龜故使我求之豫且曰諾即系龜而出之籠中獻使者使者載行出於泉陽之門正晝無見風雨晦冥雲蓋其上五采青黃雲雨並起風將而行入於端門見於東箱身如流水潤澤有光望見元王延頸而前三步而止縮頸而卻復其故處元王見而怪之問衛平曰龜見寡人延頸而前以何望也縮頸而復是何當也衛平對

曰龜在患中而終昔因王有德義使人活之今延頸而
前以當謝也縮頸而卻卻亟去也元王曰善哉神至如此
乎不可久留趣駕送龜勿令失期衛平對曰龜者是天
下之寶也先得此龜者為天子且十言十當十戰十勝
生於深淵長於黃土知天之道明於上古游三千歲不
出其域安平靜正動不用力壽蔽天地莫知其極與物
變化四時變色居而自匿伏而不食春倉夏黃秋白冬
黑明於陰陽審於刑德先知利害察於禍福以言而當

以戰而勝王能寶之諸侯盡服王勿遣也以安社稷元
王曰龜甚神靈降于上天陷於深淵在患難中以我為
賢德厚而忠信故來告寡人寡人若不遣也是漁者也
漁者利其肉寡人貪其力下為不仁上為無德君臣無
禮何從有福寡人不忍奈何勿遣衛平對曰不然臣聞
盛德不報重寄不歸天與不受天奪之寶今龜周流
天下還復其所上至蒼天下薄泥塗還徧九州未嘗愧
辱無所稽留今至泉陽漁者辱而囚之王雖遣之江河

必怒務求報仇自以為侵因神與謀淫雨不霽水不可
治若為枯旱風而揚埃蝗蟲暴生百姓失時王行仁義
其罰必來此無佗故其崇在龜後雖悔之豈有及哉王
勿遣也元王慨然而歎曰夫逆人之使絕人之謀是不
暴乎取人之有以自為寶是不彊乎寡人間之暴得者
必暴亡彊取者必後無功桀紂暴彊身死國亡令我聽
子是無仁義之名而有暴彊之道江河為湯武我為桀
紂未見其利恐離其咎寡人狐疑安事此寶趣駕送龜

勿令久留衛平對曰不然王其無患天地之間累石為山高而不壞地得為安故云物或危而顧安或輕而不可遷人或忠信而不如誕謾或醜惡而宜大官或美好佳麗而為衆人患非神聖人莫能盡言春秋冬夏或暑或寒寒暑不和賊氣相奸同歲異節其時使然故令春生夏長秋收冬藏或為仁義或為暴彊暴彊有鄉仁義有時萬物盡然不可勝治大王聽臣臣請悉言之天出五色以辨白黑地生五穀以知善惡人民莫知辨也與

禽獸相若谷居而穴處不知田作天下禍亂陰陽相錯

忽忽疾疾通而不相擇妖孽數見

說文云衣服謂草木之怪謂之妖禽獸

蟲蝗之怪謂之孽也

傳為單薄聖人別其生使無相獲禽獸有牝

牡置之山原鳥有雌雄布之林澤有介之蟲置之谿谷

故牧人民為之城郭內經閭術外為阡陌夫妻男女賦

之田宅列其室屋為之圖籍別其名族立官置吏勸以

爵祿衣以桑麻養以五穀耕之耰之

耰覆種也說文云耰摩田也

鉏

之耨之口得所著目得所美身受其利以是觀之非彊

不至故曰田者不彊困倉不盈

說文云國者謂之國方者謂之庫

商賈

不彊不得其贏婦女不彊布帛不精官御不彊其勢不成大將不彊卒不使令侯王不彊沒世無名故云彊者事之始也分之理也物之紀也所求於彊無不有也王以為不然王獨不聞玉櫝隻雉出於昆山明月之珠出於四海鑄石拌蚌傳賣於市聖人得之以為大寶大寶所在乃為天子今王自以為暴不如拌蚌於海也自以為彊不過鑄石於昆山也取者無咎寶者無患今龜使

來抵網而遭漁者得之見夢自言是國之寶也王何憂
焉元王曰不然寡人聞之諫者福也諛者賊也人主聽
諛是愚惑也雖然禍不妄至福不徒來天地合氣以生百
財陰陽有分不離四時十有二月日至為期聖人徹焉
身乃無災明王用之人莫敢欺故云福之至也人自生
之禍之至也人自成之禍與福同刑與德雙聖人察之
以知吉凶桀紂之時與天爭功擁遏鬼神使不得通是
固已無道矣諛臣有衆桀有諛臣名曰趙梁教為無道

勸以貪狼繫湯夏臺殺閹龍逢左右恐死偷諛於傍國
危於累卵皆曰無傷稱樂萬歲或曰未央蔽其耳目與
之詐狂湯卒伐桀身死國亡聽其諛臣身獨受殃春秋
著之至今不忘紂有諛臣名為左彊誇而目巧教為象
郎將至於天又有玉牀屏玉之罷象箸而羹聖人剖其
心壯士斬其脰箕子恐死被髮佯狂救周太子歷囚文
王昌投之石室將以昔至明陰競活之與之俱亡入於
周地得太公望與卒聚兵與紂相攻文王病死載尸以

行太子發代將號為武王戰於牧野破之華山之陽紂
不勝敗而還走圍之象郎自殺宣室身死不葬頭懸車
軫四馬曳行寡人念其如此腸如涸湯是人皆富有天
下而貴至天子然而大傲欲無厭時舉事而喜高貪狼
而驕不用忠信聽其諛臣而為天下笑今寡人之邦居
諸侯之間曾不如秋毫舉事不當又安亡逃衛平對曰
不然河雖神賢不如崑崙之山江之源理不如四海而
人尚奪取其寶諸侯爭之兵革為起小國見亡大國危

殆殺人父兄虜人妻子殘國滅廟以爭此寶戰攻分爭
是暴彊也故云取之以暴彊而治以文理無逆四時必
親賢士與陰陽化鬼神為使通於天地與之為友諸侯
賓服民衆殷喜邦家安寧與世更始湯武行之乃取天
子春秋著之以為經紀王不自稱湯武而自比桀紂為
暴彊也固以為常桀為瓦室紂為象郎微絲灼之務以
費民賦歛無度殺戮無方殺人大畜以常為囊囊盛其
血與人懸而射之與天帝爭彊逆亂四時先百鬼嘗諫

者輒死諛者在傍聖人伏匿百姓莫行天數枯旱國多
妖祥螟蟲歲生五穀不成民不安其處鬼神不享飄風
日起正晝晦冥日月並蝕滅息無光列星奔亂皆絕紀
綱以是觀之安得久長雖無湯武時固當亡故湯伐桀
武王克紂其時使然乃為天子子孫續世終身無咎後
世稱之至今不已是皆當時而行見事而彊乃能成其
帝王今龜大寶也為聖人使傳之賢士不用手足雷電
將之風雨送之流水行之侯王有德乃得當之今王有

德而當此寶恐不敢受王若遣之宋必有咎後雖悔之亦無及已元王大悅而喜於是元王向日而謝再拜而受擇日齋戒甲乙最良乃刑白雉及與驪羊以血灌龜於壇中央以刀剝之身全不傷脯酒禮之橫其腹腸荆支卜之必制其創理達於理文相錯迎使工占之所言盡當邦福重寶聞于傍鄉殺牛取革被鄭之桐草木畢分化為甲兵戰勝攻取莫如元王元王之時衛平相宋宋國最彊龜之力也故云神至能見夢於元王而不能

自出漁者之籠身能十言盡當不能通使於河還報於
江賢能令人戰勝攻取不能自解於刀鋒免剝刺之患
聖能先知亟見而不能令衛平無言言事百全至身而
寧當時不利又焉事賢賢者有恒常士有適然是故明
有所不見聽有所不聞人雖賢不能左畫方右畫圓日
月之明而時蔽於浮雲羿名善射不如雄渠彘門禹名
為辯智而不能勝鬼神地柱折天故母掾又奈何責人
於金孔子聞之曰神龜知吉凶而骨直空枯

凡龜其骨
空中而枯

也直語發聲也
今河東亦然

日為德而君於天下辱於三足之鳥月

為刑而相佐見食於蝦蟇蝟辱於鵲騰蛇之神而殆於

即且

即津日反且則餘反即吳公也狀如蚰蜒而大黑色

竹外有節理中直空虛

松栢為百木長而守門閭日辰不全故有孤虛

按歲月日時孤

虛並得上法也

黃金有疵白玉有瑕事有所疾亦有所徐物有

所拘亦有所據罔有所數亦有所疎人有所貴亦有所

不如何可而適乎物安可全乎天尚不全故世為屋不

成三瓦而陳之

言為屋不成欠三瓦以應天猶陳列而居之

以應之天天下

有階物不全

言萬物及日月天地皆不能全喻龜之不全也

乃生也

褚先生曰漁者舉網而得神龜龜自見夢宋元王元王召博士衛平告以夢龜狀平運式定日月分衡度視吉凶占龜與物色同平諫王留神龜以為國重寶美矣古者筮必稱龜者以其令名所從來久矣余述而為傳

三月

二月

正月

言正月二月三月右轉周環終十二月者日月之龜腹下十二

黑點為十月也若二十八宿龜也

十二月

十一月

此等下至首僂大者皆卜兆之狀也

四月

謂兆首仰起

足開

脢開

首僂大

五月

橫吉

首俛大

音免謂兆首伏而大

六月

七月

八月

九月

十月

卜禁日子亥戌不可以卜及救龜日中如食已卜暮昏

龜之微也不可以卜庚辛可以救及以鑽之常以日旦

被龜先以清水澡之以卯被之

以常月朝清水洗之以雞卵摩而祝之

乃

持龜而遂之若嘗以為祖人若已卜不中皆被之以卯

東向立灼以荆若剛木土郊指之者三

吉卜不中以土為郊三度指之

三月繞之用

持龜以卯周環之祝曰今日吉謹以梁郊

厭不祥也

煇黃

煇音題煇焦也言以梁米雞卵被去龜之不祥
今灼之不焦不黃若焦及黃卜之不中也被

去玉靈之不祥玉靈必信以誠知萬事之情辨兆皆可
占不信不誠則燒玉靈揚其灰以徵後龜其卜必北向
龜甲必尺二寸

卜先以造灼鑽鑽中已又灼龜首各三又復灼所鑽中
曰正身灼首曰正足各三即以造三周龜祝曰假之玉
靈夫子夫子玉靈荊灼而心令而先知而上行於天下
行於淵諸靈歟刺莫如汝信今日良日行一良貞其欲

卜某即得而喜不得而悔即得發鄉我身長大手足收人皆上偶不得發鄉我身挫折中外不相應手足滅去靈龜卜祝曰假之靈龜五筮五靈不如神龜之靈知人死知人生某身良某欲求某物即得也頭見足發內外相應即不得也頭仰足胗內外自隨可得占

卜占病者祝曰今某病因死首上開内外交駭身節折不死首仰足胗卜病者祟曰今病有祟無呈無祟有呈兆有中祟有内外祟有外

卜繫者出不出橫吉安若出足開首仰有外

卜求財物其所當得得首仰足開內外相應即不得呈兆首仰足脰

卜有賣若買臣妾馬牛得之首仰足開內外相應不得首仰足脰呈兆若橫吉安

卜繫盜聚若干人在某所今某將卒若干人往擊之當勝首仰足開身正內自橋外下不勝足脰首仰身首內下外高

卜求當行不行行首足開不行足脰首仰若橫吉安安
不行

卜往擊盜當見不見見首仰足脰有外不見足開首仰
卜往候盜見不見見首仰足脰脰勝有外不見足開首
仰

卜聞盜來不來來外高內下足脰首仰不來足開首仰
若橫吉安期之自次

卜遷徙去官不去去足開有脰外首仰不去自去即足

脢呈兆若橫吉安

卜居官尚吉不吉呈兆身正若橫吉安不吉身節折首
仰足開

卜居室家吉不吉吉呈兆身正若橫吉安不吉身折節
首仰足開

卜歲中禾稼孰不孰孰首仰足開內外自橋外自垂不
孰足脢手仰有外

卜歲中民疫不疫疫首仰足脢身節有彊外不疫身正

首仰足開

卜歲中有兵無兵呈兆若橫吉安有兵首仰足開
身作外彊情

卜見貴人吉不吉吉足開首仰身正內自橋不吉首仰
身節折足脰有外若無漁

卜請謁於人得不得得首仰足開內自橋不得首仰足
脰有外

卜追亡人當得不得得首仰足脰內外相應不得首仰

足開若橫吉安

卜漁獵得不得得首仰足開內外相應不得足脰首仰
若橫吉安

卜行遇盜不遇遇首仰足開身節折外高內下不遇呈
兆

卜天雨不雨雨首仰有外外高內下不雨首仰足開若
橫吉安

卜天雨霽不霽霽呈兆足開首仰不霽橫吉命曰橫吉

安以占病病甚者一日不死不甚者卜曰瘳不死繫者重罪不出輕罪環出過一日不出久毋傷也求財物買臣妾馬牛一日環得過一日不得不得行者不行來者環至過食時不至不來擊盜不行行不過聞盜不來徙官不徙居官家室皆吉歲稼不孰民疾疫無疾歲中無兵見人行不行不喜請謁人不行不得追亡人漁獵不得行不遇盜雨不雨霽不霽

命曰呈兆病者不死繫者出行者行來者來市買得追

亡人得過一日不得問行者不到

命曰柱徹卜病不死繫者出行者行來者來而市買不得憂者毋憂追亡人不得

命曰首仰足脢有內無外占病病甚不死繫者解求財物買臣妾馬牛不得行者聞言不行來者不來聞盜不來聞言不至徙官聞言不徙居官有憂居家多災歲稼中孰民疾疫多病歲中有兵聞言不聞見貴人吉請謁不行行不得善言追亡人不得漁獵不得行不遇盜雨

不雨甚霽不霽故其莫字皆為首備問之曰備者仰也
故定以為仰此私記也

命曰首仰足脢有內無外占病病甚不死繫者不出求
財買臣妾不得行者不行來者不來擊盜不見聞盜來
內自驚不來徙官不徙居官家室吉歲稼不孰民疾疫
有病甚歲中無兵見貴人吉請謁追亡人不得亡財物
財物不出得漁獵不得行不遇盜雨不雨霽不霽凶
命曰呈兆首仰足脢以占病不死繫者未出求財物買

臣妾馬牛不得行不行來不來擊盜不相見聞盜來不
來徙官不徙居官久多憂居家室不吉歲稼不孰民病
疫歲中毋兵見貴人不吉請謁不得漁獵得少行不遇
盜雨不雨霽不霽不吉

命曰呈兆首仰足開以占病病篤死繫囚出求財物買
臣妾馬牛不得行者行來者來擊盜不見盜聞盜來不
來徙官徙居官不久居家室不吉歲稼不孰民疾疫有
而少歲中無兵見貴人不見吉請謁追亡人漁獵不得

行遇盜雨不雨霽小吉

命曰首仰足脰以占病不死繫者久毋傷也求財物買
臣妾馬牛不得行者不行擊盜不行來者來聞盜來徙
官聞言不徙居家室不吉歲稼不孰民疾疫少歲中毋
兵見貴人得見請謁追亡人漁獵不得行遇盜雨不雨
霽不霽吉

命曰首仰足開有內以占病者死繫者出求財物買臣
妾馬牛不得行者行來擊盜行不見盜聞盜來不來徙

官徙居官不久居家室不吉歲孰民疾疫有而少歲中
毋兵見貴人不吉請謁追亡人漁獵不得行不遇盜雨
霽霽小吉不霽吉

命曰橫吉內外自橋以占病卜曰毋瘳死繫者毋罪出
求財物買臣妾馬牛得行者行來者來擊盜合交等聞
盜來來徙官徙居家室吉歲孰民疫無疾歲中無兵見
貴人請謁追亡人漁獵得行遇盜雨霽雨霽大吉

命曰橫吉內外自吉以占病病者死繫不出求財物買

臣妾馬牛追亡人漁獵不得行者不來擊盜不相見聞
盜不來徙官徙居官有憂居家室見貴人請謁不吉歲
稼不孰民疾疫歲中無兵行不遇盜雨不雨霽不霽不
吉

命曰漁人以占病者病者甚不死繫者出求財物買臣
妾馬牛擊盜請謁追亡人漁獵得行者行來聞盜來不
來徙官不徙居家室吉歲稼不孰民疾疫歲中毋兵見
貴人吉行不遇盜雨不雨霽不霽吉

命曰首仰足胷內高外下以占病病者甚不死繫者不出求財物買臣妻馬牛追亡人漁獵得行不行來者來擊盜勝徙官不徙居官有憂無傷也居家室多憂病歲大孰民疾疫歲中有兵不至見貴人請謁不吉行遇盜雨不雨霽不霽吉

命曰橫吉上有仰下有柱病久不死繫者不出求財物買臣妻馬牛追亡人漁獵不得行不行來不來擊盜不行行不見聞盜來不來徙官不徙居家室見貴人吉歲

大孰民疾疫歲中毋兵行不過盜雨不雨霽不霽大吉
命曰橫吉榆仰以占病不死繫者不出求財物買臣妾
馬牛至不得行不行來不來擊盜不行行不見聞盜來
不來徙官不徙居官家室見貴人吉歲孰歲中有疾疫
毋兵請謁追亡人不得漁獵至不得行不得行不遇盜
雨霽不霽小吉

命曰橫吉下有柱以占病病甚不環有瘳無死繫者出
求財物買臣妾馬牛請謁追亡人漁獵不得行來不來

擊盜不合聞盜來來徙官居官吉不久居家室不吉歲
不孰民毋疾疫歲中毋兵見貴人吉行不遇盜雨不雨
霽小吉

命曰載所以占病環有瘳無死繫者出求財物買臣妾
馬牛請謁追亡人漁獵得行者行來者來擊盜相見不
相合聞盜來來徙官徙居家室憂見貴人吉歲孰民毋
疾疫歲中毋兵行不遇盜雨不雨霽霽吉

命曰根格以占病者不死繫久毋傷求財物買臣妾馬

牛請謁追亡人漁獵不得行不行來不來擊盜盜行不
合聞盜不來徙官不徙居家室吉歲稼中民疾疫無死
見貴人不得見行不遇盜雨不雨大吉

命曰首仰足脰外高內下卜有憂無傷也行者不來病
久死求財物不得見貴人者吉

命曰外高內下卜病不死有祟而市買不得居官家室
不吉行者不行來者不來繫者久毋傷吉

命曰頭見足發有內外相應以占病者起繫者出行者

行來者來求財物得吉

命曰呈兆首仰足開以占病病甚死繫者出有憂求財
物買臣妾馬牛請謁追亡人漁獵不得行行不行來不
來擊盜不合聞盜來來徙官居官家室不吉歲惡民
疾疫無死歲中毋兵見貴人不吉行不遇盜雨不雨霽
不吉

命曰呈兆首仰足開外高內下以占病不死有外祟繫
者出有憂求財物買臣妾馬牛相見不會行行來聞言

不來擊盜勝聞盜來不來徙官居官家室見貴人不吉
歲中民疾疫有兵請謁追亡人漁獵不得聞盜遇盜雨
不雨霽凶

命曰首仰足脰身折內外相應以占病病甚不死繫者
久不出求財物買臣妾馬牛漁獵不得行不行來不來
擊盜有用勝聞盜來來徙官不徙居官家室不吉歲不
孰民疾疫歲中有兵不至見貴人喜請謁追亡人不得
遇盜凶

命曰內格外垂行者不行來者不來病者死繫者不出
求財物不得見人不見大吉

命曰橫吉內外相自橋榆仰上柱上柱足足舡以占病
病甚不死繫久不抵罪求財物買臣妾馬牛請謁追亡
人漁獵不得行不行來不來居官家室見貴人吉徙官
不徙歲不大孰民疾疫有兵有兵不倉行遇盜聞言不
見雨不雨霽霽大吉

命曰頭仰足舡內外自隨卜憂病者甚不死居官不得

居行者行來者不來求財物不得求人不得吉

命曰橫吉下有柱卜來者來卜曰即不至未來卜病者過一日毋瘳死行者不行求財物不得繫者出

命曰橫吉内外自舉以占病者久不死繫者久不出求財物得而少行者不行來者不來見貴人見吉

命曰內高外下疾輕足發求財物不得行者行病者有瘳繫者不出來者來見貴人不見吉

命曰外格求財物不得行者不行來者不來繫者不出

不吉病者死求財物不得見貴人見吉

命曰內自舉外來正足發者行來者來求財物得病者
久不死繫者不出見貴人見吉

此橫吉上柱外內自舉足胗以下有求得病不死繫
者毋傷未出行不行來不來見人不見百事盡吉

此橫吉上柱外內自舉柱足以作以下有求得病死環
起繫留毋傷環出行不行來不來見人不見百事吉可
以舉兵

此挺詐有外以卜有求不得病不死數起繫禍罪聞言
毋傷行不行來不來

此挺詐有內以卜有求不得病不死數起留禍罪無傷
繫出行不行來者不來見人不見

此挺詐內外自舉以卜有求得病不死繫母罪行行來
來田賈市漁獵盡喜

此狐貉以有卜求不得病死難起繫留母罪難出可居
宅可娶婦嫁女行不行來不來見人不見有憂不憂

此狐徹以卜有求不得病者死繫留有抵罪行不行來
不來見人不見言語定百事盡不吉

此首俯足胷身節折以卜有求不得病者死留繫有罪
望行者不來行行來不來見人不見

此挺内外自垂以卜有求不晦病不死難起繫留毋罪
難出行不行來不來見人不見不吉

此橫吉榆仰首俯以卜有求難得病難起不死繫難出
毋傷也可居家室以娶婦嫁女

此橫吉上柱載正身節折內外自舉以卜病者卜日不死其一日乃死

此橫吉上柱足胛內自舉外自垂以卜病者卜日不死其一日乃死

此橫吉上柱足胛內自舉外自垂以卜病卜日不死其一日乃死

為人病首俯足詐有外無內病者占龜未已急死十輕失大一日不死

首仰足脢以下有求不得以繫有罪人言語恐之母傷
行不行見人不見

大論曰外者人也內者自我也外者女也內者男也首
俛者憂大者身也小者枝也大法病者足脢者生足開
者死行者足開至足脢者不至行者足脢不行足開行
有求足開得足脢者不得繫者足脢不出開出其卜病
也足開而死者內高而外下也

史記正義卷一百二十八

欽定四庫全書

史記正義卷一百二十九

唐 張守節 撰

貨殖列傳第六十九 史記一百二十九

老子曰至治之極鄰國相望

音

雞狗之聲相聞民各甘

其食美其服安其俗樂其業至老死不相往來必用此
為務輓近世塗民耳目則幾無行矣

太史公曰夫神農以前吾不知已至若詩書所述虞夏

以來耳目欲極聲色之好口欲窮芻豢之味身安逸樂
而心誇矜勢能之榮使俗之漸民久矣雖戶說以眇論
終不能化故善者因之其次利道之其次教誨之其次
整齊之最下者與之爭夫山西饒材竹穀鱸旄玉石山
東多魚鹽漆絲聲色江南出枏梓薑桂金錫連丹沙犀

璫瑁珠璣齒革龍門碣石

龍門山在徐州龍門縣碣石山在平州盧龍縣

北多

馬牛羊旃裘筋角銅鐵則千里往往山出棊置

言出銅鐵之山

方千里如圓棊之置也管子云凡天下名山五千二百
七十出銅之山四百六十七出鐵之山三千六百有九

山上藏其下有鐵山上有鉛其下有銀山上
有銀其下有丹山上有礬石其下有金也 此其大較

也皆中國人民所喜好誣俗被服飲食奉生送死之具
也故待農而食之虞而出之工而成之商而通之此寧
有政教發徵期會哉人各任其能竭其力以得所欲故
物賤之徵貴貴之徵賤各勸其業樂其事若水之趨下
日夜無休時不召而自來不求而民出之豈非道之所
符而自然之驗邪周書曰農不出則乏其食工不出則
乏其事商不出則三寶絕虞不出則財匱少財匱少而

山澤不辟矣此四者民所衣食之原也原大則饒原小則鮮上則富國下則富家貧富之道莫之奪予而巧者有餘拙者不足故太公望封於營丘地瀉鹵人民寡於是太公勸其女功極技巧通魚鹽則人物歸之繼至而輻湊故齊冠帶衣履天下海岱之間歛袂而往朝焉其後齊中衰管子修之設輕重九府管子云輕重謂錢也夫治民有輕重之法周有大府王府內府外府天府內職金皆掌財帛之官故云九府也則桓公以霸九合諸侯一匡天下而管氏亦有三歸位在陪臣富於

列國之君是以齊富彊至於威宣也故曰倉廩實而知
禮節衣食足而知榮辱禮生於有而廢於無故君子富
好仁其德小人富以適其力淵深而魚生之山深而獸
往之人富而仁義附焉富者得勢益彰失勢則客無所
之以而不樂夷狄益甚諺曰千金之子不死於市此非
空言也故曰天下熙熙皆為利來天下壤壤皆為利往
夫千乘之王萬家之侯百室之君尚猶患貧而况匹夫
編戶之民乎

昔者越王勾踐困於會稽之上乃用范蠡計然計然曰
知闕則修備時用則知物二者形則萬貨之情可得而
觀已故歲在金穰水毀木饑火旱旱則資舟水則資車
物之理也大歲穰六歲旱十二歲一大饑夫糶二十病
農九十病末末病則財不出農病則草不辟矣上不過
八十下不減三十則農末俱利平糶齊物闕市不乏
治國之道也積著之理務完物無息幣以物相貿易
腐敗而食之貨勿留無敵居貴論其有餘不足則知貴

賤貴上極則反賤賤下極則反貴貴出如糞土賤取如珠玉財幣欲其行如流水修之十年國富厚賂戰士士赴矢石如渴得飲遂報彊吳觀兵中國稱號五霸范蠡既雪會稽之耻乃喟然而歎曰計然之策七越用其五而得意既已施於國吾欲用之家乃乘扁舟浮於江湖

國語云句踐滅吳及至五湖范蠡辭於王曰君王勉之臣不復入國矣遂乘輕舟以薄於五湖莫知其所終極

變名易姓適齊為鴟夷子皮之陶

括地志云即陶山在齊州平陽縣東三十

五里陶山之陽也今南五里猶有朱公冢又云曹州濟陽縣東南三里有陶朱公冢又云在南郡華容縣西

未詳也

為朱公朱公以為陶天下之中諸侯四通貨物所
交易也乃治產積居與時逐而不責於人故善治生者
能擇人而任時十九年之中三致千金再分散與貧交
疏昆弟此所謂富好行其德者也後年衰老而聽子孫
子孫脩業而息之遂至巨萬故言富者皆稱陶朱公
子贛既學於仲尼退而仕於衛廢著鬻財於曹魯之間
七十子之徒賜最為饒益原憲不厭糟糠匿於窮巷子
貢結駟連騎束帛之幣以聘享諸侯所至國君無不

分庭與之抗禮夫使孔子名布揚於天下者子貢先後之也此所謂得勢而益彰者乎

白圭周人也當魏文侯時李克務盡地力而白圭樂觀時變故人棄我取人取我與夫歲孰取穀予之絲漆蠶出取帛絮與之食太陰在卯穰

太陰歲後辰為太陰

二明歲衰惡

至午旱明歲美至酉穰明歲衰惡至子大旱明歲美有

水至卯穰者率

貯律二音

歲倍欲長錢取下穀長石斗取

上種能薄飲食忍嗜欲節衣服與用事僮僕同苦

樂趨時若猛獸擊鳥之發故曰吾治生產猶伊尹呂尚之謀孫吳用兵商鞅行法是也是故其智不足與權變勇不足以決斷仁不能以取予彊不能有所守雖欲學吾術終不告之矣蓋天下言治生祖白圭白圭其有所試矣能試有所長非苟而已也

倚賴用鹽鹽起

按倚氏蒲州縣也河東鹽池是畦鹽作畦若種韭一畦天雨下池中鹹淡

得均即畦池中水上畔中深一尺許以日暴之五六日則成鹽若白礬石大小如雙陸及礬則呼為畦鹽或有花鹽綠黃河鹽池有八九所而鹽州有烏池猶出三色鹽有井鹽畦鹽花鹽其池中礬井深一二尺去泥即到

鹽掘取若至一丈則著平石無鹽矣其色或白或青黑
名曰井鹽畦鹽若河東者花鹽池中有下隨而大小成
鹽其下方微空上頭隨雨下池中其滴高起若塔子形
處曰花鹽亦曰即成鹽馬池中心有泉井水沃所作池
人馬盡汲此井其鹽四分入官一分入百姓也池中又
鑿得鹽坑闊一尺餘高二尺白色光明洞徹年貢之也
而邯鄲郭縱以鐵冶成業於王者埒富

烏氏保

縣古城在涇州安定縣東四十里保名也

畜牧及衆庠賣求奇繒

物間獻遺戎王戎王什倍其償與之畜畜至用谷量馬

牛秦始皇帝令保比封君以時與列臣朝請而巴蜀

寡婦清其先得丹穴

括地志云寡婦清臺山俗名貞女山在涪州永安縣東北七十

里而擅其利數世家亦不訾

音子兒反古資財衆多不可訾量一云清多以財餉

遺四方用衛其業故財亦不多積聚

清寡婦也能守其業用財自衛不

見侵犯秦皇帝以為貞婦而客之為築女懷清臺夫保
鄙人牧長清窮鄉寡婦抗萬乘名顯天下豈非以
富邪漢興海內為一開闢梁弛山澤之禁是以富商大
賈周流天下交易之物莫不通得其所欲而徙豪傑諸
侯彊族於京師閭中自汧雍以東至河華膏壤沃野千
里自虞夏之貢以為上田而公劉適邠大王王季在岐

文王作豐武王治鎬故其民猶有先王之遺風好稼穡

殖五穀地重重為邪

重並逐拱及言閭中地重厚民亦重難不為邪惡

及秦文

孝繆居雍隙

雍縣岐州雍縣也

隴蜀之貨物而多貢獻孝公徙

櫟邑櫟邑北卻戎翟東通三晉亦多大賈武昭治咸陽

因以漢都長安諸陵四方輻湊並至而會地小人衆故

其民益玩巧而事末也南則巴蜀巴蜀亦沃野地饒庖

薑丹沙石銅鐵竹木之麗南御滇楚僊僊西近邛笮笮

馬旄牛然四塞棧道千里無所不通唯褒斜綰轂其口

以所多易所鮮天水隴西北地上郡與關中同俗然西
有美中之利北有我翟之畜畜牧為天下饒然地亦窮
險唯京師要其道

要音腰言要
東其路也

故關中之地於天下三

分之一而人衆不過什三然量其富什居其六昔唐人

都河東殷人都河西

盤庚都殷墟
地屬河西也

周人都河南

周自平
王以後

都洛陽

夫三河在天下之中若鼎足王者所更居也建國

各數百千歲土地小狹民人衆都國諸侯所聚會故其

俗纖儉習事楊平陽陳西賈秦翟

賈音古秦關內也
翟隰石等州部落

猶也延綏錄三
州皇句翟所居

北賈種代

上之勇反種在垣州石邑
縣北蓋蔚州也代今代州種

代石北也地邊胡數被寇人民矜慎忤好氣任俠為姦
不事農商然迫近北夷師旅亟往中國委輸時有奇羨
其民羯羗不均自金晉之時固已患其僇悍而武靈王
益厲之其謠俗猶有趙之風也故楊平陽陳祿其間得
所欲溫軹西賈上黨

澤潞等
州也

北賈趙中山

洛州及
定州

中山

地薄人衆猶有沙丘紂淫地餘民

沙丘在
邢州也

民俗懷急仰

機利而食丈夫相聚游戲悲歌忼慨起則相隨椎剽休

則掘冢作巧姦冶多美物為倡優女子則鼓鳴瑟跕屣

游媚貴富入後宮徧諸侯然邯鄲亦漳河之間

洛水本名彰水

邯鄲在其地

一都會也北通燕涿南有鄭衛鄭衛俗與趙相

類然近梁魯微重而矜節濮上之邑徙野王

秦拔衛濮陽徙其君

於陳州野王

野王好氣任俠衛之風也夫燕亦勃碣之間

碣石

勃海在西北

一都會也南通齊趙東北邊胡上谷至遼東地

踔遠人民希數被寇大興趙代俗相類而民雕悍少慮有魚鹽棗栗之饒北鄰烏桓夫餘東綰穢貉朝鮮真菑

之利

者音
滿

洛陽東賈齊魯南賈梁楚故泰山之陽則魯其陰則齊
齊帶山海膏壤千里宜桑麻人民多文綵布帛魚鹽臨
菑亦海岱之間一都會也其俗寬緩濶達而足智好議
論地重難動搖怯於衆鬪勇於持刺故多劫人者大國
之風也其中具五民而鄒魯瀕洙泗猶有周公遺風俗
好儒備於禮故其民齷齪頗有桑麻之業無林澤之饒
地小人衆儉嗇畏罪遠邪及哀好賈趨利甚於周人夫

自鴻溝以東芒碭以北屬巨野

鄆州巨野縣在鉅野澤也

此梁宋也

鴻溝以東芒碭以北至鉅野梁宋二國之地

陶睢陽

今曹州睢陽宋州宋地也

亦一都會

也昔堯作游成陽舜漁於雷澤

澤在雷澤縣西北也

湯止于亳

宋州

穀熟縣西南四十五里南亳州故城是也

其俗猶有先王遺風重厚多君子

好稼穡雖無山川之饒能惡衣食致其蓄藏越楚則有

三俗

越滅吳則有江淮以北楚滅越兼有吳越之地故言越楚也

夫自淮北沛陳汝

南南郡此西楚也

沛徐州沛縣也陳今陳州也汝汝州也南郡今荊州也言從沛郡西

至荊州並西楚也

其俗剽輕易發怒地薄寡於積聚江陵故郢

都

荊州江陵縣故
為郢楚之都

西通巫巴

巫郡巴郡在
江陵之西也

東有雲夢之

饒陳在楚夏之交

夏都計陽城古陳南則楚西
及北則夏故云楚夏之交

通魚

鹽之貨其民多賈徐僮取慮

取音秋慮音問徐即徐城
故徐國也僮取慮二縣

並在下邳
今泗州

則清刻矜已諾

上音紀

彭城以東東海吳廣陵

此東楚也

彭城徐州活縣也東海郡今海郡也吳蘇州
也廣陵揚州也言從徐州彭城歷揚州至蘇

州並東
楚之地

其俗類徐僮胸繒以北俗則齊

胸其俱反縣在
海州故繒縣在

沂州至縣言二縣
之北風俗同於齊

浙江南則越夫吳自闔廬春申

王濞三人招致天下之喜游子弟東有海鹽之饒章

山之銅三江五湖之利亦江東一都會也衡山

故郢城在潭州

東南百二十里九江

九江郡都陰陵陰陵故城在濠州定遠縣西六十五里

江南

案徐說非秦置

鄆郡在湖州長城縣西南八十里鄆郡故城是也漢改為丹陽郡徙郡宛城今宣州地也上言吳有章山之

銅明是東楚之地此言大江之南豫章長沙二郡南楚之地耳徐裴以為江南丹陽郡屬南楚誤之

甚矣豫章

今洪州也

長沙

今潭州也十三州志云有萬里沙祠而西自湘州至東萊萬里故曰

長沙也淮南衡山九江二郡及江南豫章長沙二郡並為楚也

是南楚也其俗大類西

楚郢之後徙壽春

楚考列王二十二年自陳徙郡壽春號之曰郢故言郢之徙壽春也

亦一都會也而合肥受南北潮

合肥縣廬州治也言江淮之潮南北俱至廬州

也皮革鮑木輸會也與閩中于越雜俗故南楚好辭巧

說少信江南卑溼丈夫早夭多竹木豫章出黃金

括地云江

州潯陽縣有黃金山山出金

長沙出連錫然堇堇

音謹

物之所有取之

不足以更費九疑蒼梧以南至儋耳者

今儋州在海中廣州南去京七

千餘里言嶺南至儋耳之地與江南大同俗而揚州之南越民多馬

與江南大同俗而

楊越多馬番禺

潘虞二音今廣州

亦其一都會也珠璣犀瑋

瑁果布之湊

潁川南陽夏人之居也

禹居陽城潁川南陽皆夏地也

夏人政尚忠朴

猶有先王之遺風潁川敦愿秦末世遷不軌之民於南

陽南陽西通武關鄖關

武關在商州地理志云宛西通武關而無鄖關蓋鄖當為徇徇

水上有關在金州洵陽縣徐按漢中是也徇亦作鄖與鄖相似也

東南受漢江淮宛亦

一都會也俗雜好事業多賈其任俠交通潁川故至今

謂之夏人夫天下物所鮮所多人民謠俗山東食海鹽

山西食鹽

謂西方鹹地也堅且鹹即出石鹽及地鹽

鹵領南沙北

謂池漢之北也

固

往往出鹽大體如此矣總之楚越之地地廣人希飯稻

羹魚或火耕而水耨

言風草下種苗生大而草生小以水灌之則草死而苗無損也耨除

草果隋羸蛤

隋今為羸者同上古少字也羸力和反果
搖猶羸疊包裹也今楚越之俗尚有裹搖

之語楚越水鄉足螺魚蟹民多採捕積聚羸疊包裹煮而
食之班固不曉裏羸之方言修太史公書述地云乃故
云果茂羸蛤非太史
公意班氏失之也不待賈而足

賈音古言楚越地勢
饒食不用他賈而自

足無饑地勢饒食無飢饉之患以故咎

按食螺蛤等
物故多羸弱

而足病也淮南子云古者民
食羸蛛之肉多疹毒之患也

偷生無積聚

言江淮以南
有水族民多

食物朝夕取給以偷生而
己不為積聚乃多貧也

而多貧是故江淮以南無凍

餓之人亦無千金之家沂泗水以北宜五穀桑麻六畜

地小人衆數被水旱之害民好畜藏故秦夏梁魯好農

而重民三河究陳亦然加以商賈齊趙設智巧仰機利
燕代田畜而事蠶由此觀之賢人深謀於廊廟論議朝
廷守信死節隱居巖穴之士設為名高者安歸乎歸於
富厚也是以廉吏久久更富廉賈歸富富者人之情性
所不學而俱欲者也故壯士在軍攻城先登陷陣却敵
斬將奪旗前蒙矢石不避湯火之難者為重賞使也其
在閭巷少年攻剽椎埋劫人作姦掘冢鑄幣任俠并兼
借交報仇篡逐幽隱不避法禁走死地如鶩其實皆為

財用耳今夫趙女鄭姬設形容揆鳴琴揄長袂躡利屐

目挑

田鳥反

心招出不遠千里不擇老少者奔富厚也游

閑公子飾冠劍連車騎亦為富貴容也弋射漁獵犯晨
夜冒霜雪馳阮谷不避猛獸之害為得味也博戲馳逐
鬪雞走狗作色相矜必爭勝者重失負也醫方諸食技
術之人焦神極能為重瘡也吏士舞文弄法刻章偽書
不避刀鋸之誅者沒於賂遺也農工商賈畜長固求富
益貨也此有知盡能索耳終不餘力而讓財矣諺曰百

里不販樵千里不販糶居之一歲種之以穀十歲樹之以木百歲來之以德德者人物之謂也今有無秩祿之奉爵邑之入而樂與之比者命曰素封

古不仕之人自有園田收養之

給其利比於封君故曰素封也

封者食租稅歲率

律

戶二百千戶之君

則二十萬朝覲聘享出其中庶民農工商賈率亦歲萬息二千戶百萬之家則二十萬而更徭租賦出其中衣食之欲恣所好美矣故曰陸地牧馬二百蹄牛蹄角千足羊澤中千足鼃水居千石魚陂

古陂澤養魚一歲收得千石魚費也

山居千章之材安邑千樹棗燕秦千樹栗蜀漢江陵千
樹橘淮北常山已南河濟之間千樹萩陳夏千畝漆齊
魯千畝桑麻渭川千畝竹及名國萬家之城帶郭千畝
畝鍾之田若干畝卮茜千畦薑韭此其人皆與千戶侯
等然是富給之資也不窺市井不行異邑坐而待收身
有處士之義而取給焉若至家貧親老妻子軟弱歲時
無以祭祀進醵飲食被服不足以自通如此不慙耻則
無所比矣是以無財作力少有鬬智

言少有錢財則
鬬智巧而求勝

也既饒爭時

既饒足錢財乃
通時爭利也

此其大經也今治生不待

危身取給則賢人勉焉是故本富為上末富次之姦富
最下無巖處奇士之行而長貧賤好語仁義亦足羞也
凡編戶之民富相什則卑下之伯則畏憚之千則役萬
則僕物之理也夫用貧求富農不如工工不如商刺繡
文不如倚市門此言末業貧者之資也通邑大都酤一
歲千釀釀千筭酤醕
酤云酒酤醕醬千坵醬千甌屠牛羊豕千
皮販穀糶千鍾薪橐千車船長千丈木千章竹竿

萬人

釋名云竹曰人木曰枚

其輶車百乘

上音還說大云輶小車也

牛車千兩

車一乘為一兩風俗通云輶

輶及輪兩兩而偶之稱兩也

木器槩者千枚

顏云以漆物謂之槩

又音許昭反今關東俗罷物一再漆者謂之稍漆即槩聲之轉耳今關西俗云里槩盤朱兩義並通

銅罷千鈞素木鐵罷若危齒千石馬蹄躑千牛千足

羊羴千雙僮手指千筋角丹沙千斤其帛絮細布千

鈞文采千匹榻布皮革千石

顏師古曰羴厚之布也其價賤故與皮革同重耳非

白疊也蒼者厚之兒也按白疊木綿所織非中國有也

漆牛斗藥麴鹽豉千荅

鮐鱖千斤

鮐音臺又音貼說文云鮐海魚也鱖音齊禮反刀魚也

鰕千石鮑千

鈞

鯀音族苟反謂雜小魚也鮑白也然鮑鯀以斤論鮑鯀以千鈞論乃其九倍多故知鮑是大好者鯀鮑是

雜者也徐云鯀膊魚也膊並各反謂破開戶頭尾不相離為鮑謂之膊闊者也此亦大魚為之也 粟粟

千石者三之

謂之千石也古粟三

狐鼯

音

裘千皮羔

羊裘千石旃席千具佗果菜千鍾

鍾大斛四斗果菜謂雜果菜於山野

果取

子貸金錢千貫節駟會貪賈三之廉賈五之此亦

比千乘之家其大率也

率音

佗雜業不中什二

言雜惡業而不

在什分中得二分之利者非世之美財也 則非吾財也請畧道當世千里之

中賢人所以富者令後世得以觀擇焉

蜀卓氏之先趙人也用鐵冶富秦破趙遷卓氏卓氏見

虜畧獨夫妻推輦行詣遷處諸遷虜少有餘財爭與吏

求近處葭萌

葭萌今利州縣也

唯卓氏曰此地狹薄吾聞汶山

之下沃野下有蹲鴟

汶音玃蹲鴟芋也言邛州臨邛縣其地肥又沃平野有大芋等也華陽

國志云汶山郡郡安縣有大芋如蹲鴟也

至死不飢民工於市易賈乃求遠

遷致之臨邛大喜即鐵山鼓鑄運籌策傾滇蜀之民富

滇一作組漢書亦作滇池今益州郡有蜀州亦因舊名及漢江為名江在益州南入導江非漢中之漢江也

至僮千人田池射獵之樂擬於人君

程鄭山東遷虜也亦冶鑄賈椎髻之民富埒卓氏俱居

臨邛

宛孔氏之先梁人也用鐵冶為業秦伐魏遷孔氏南陽

大鼓鑄規陂池連車騎游諸侯因通高賈之利有游閑

公子之賜與名然其贏得過當愈於織嗇

音色嗇本也
言孔氏連車

騎游於諸侯以資給之兼通高賈之利乃得游閑公子
交名然其通計贏利過於所資給餉遺之當猶有交游
公子雍容而
勝於懷恤也家致富數千金故南陽行賈盡法孔氏之

雍容魯人俗儉嗇而曹邴氏尤甚以鐵冶起富至巨萬

然家自父兄子孫約俛有拾仰有取貰貸行賈徧郡國
鄒魯以其故多去文學而趨利者以曹邴氏也

齊俗賤奴虜而刁間獨愛貴之

刁丁邳反姓名

桀黠奴人之所

患也唯刁間收取使之逐漁鹽商賈之利或連車騎交
守相然愈益任之終得其力起富數千萬故曰寧爵毋
刁言其能使豪奴自饒而盡其力周人既織而師史尤
甚

師史人姓名

轉轂以百數賈郡國無所不至洛陽街居在

齊秦楚趙之中

洛陽在齊秦楚趙之中其街巷貧人學於富家相矜以久賈諸國皆數厯里邑

不入其門故前云洛陽東賈齊魯南賈梁楚是也

貧人學事富家相矜以久賈

數過邑不入門設任此等故師史能致七千萬

宣曲

按其地合在閩內張揖云宣曲官名在昆池西也

任氏之先為督道倉吏

秦之敗也豪傑皆爭取金玉而任氏獨穿倉粟楚漢相

距滎陽也民不得耕種米石至萬而豪傑金玉盡歸任

氏任氏以起富富人爭奢侈而任氏折節為儉力田

畜田畜人爭取賤賈

音價也

任氏獨取貴善富者數世然

任公家約非田畜所出弗衣食公事不畢則肉不得飲

酒食肉以此為閭里率故富而主上重之塞之斥也

孟康

云邊塞主斥侯卒也唯此人能致富若此顏云塞斥者言國斥開邊塞更令寬廣故橋姚得志畜牧也姓橋

名姚也

唯橋姚已致馬千匹牛倍之羊萬頭粟以萬鍾計

吳楚七國兵起時長安中列侯封君行從軍旅齎貸子

錢子錢家以為侯邑國在關東關東成敗未決莫肯與

唯無鹽氏出捐千金貸其息什之三月吳楚平一歲之

中則無鹽氏之息什倍用此富埒關中關中富商大賈

大抵盡諸田田嗇田蘭常家栗氏安陵杜杜氏亦巨萬

此其章尤異者也皆非有爵邑奉祿弄法犯姦而富盡
椎埋去就與時俯仰獲其贏利以末致財用本守之以
武一切用文持之變化有槩故足術也若至力農畜工
虞商賈為權利以成富大者傾郡中者傾縣下者傾鄉
里者不可勝數夫織嗇筋力治生之正道也而富者必
用奇勝田農拙業而秦陽以蓋一州掘冢姦事也而曲
叔以起博戲惡業也而桓發用之富

桓發人姓名

行賈丈夫

賤行也而雍樂成以饒販脂

說文云載角者脂无角者膏也

辱處也而

雍伯千金賣漿小業也而張氏千萬洒削薄技也而鄧

氏鼎食胃脯簡微耳濁氏連騎

按胃脯謂和五味而脯美故易售

馬醫

淺方張里擊鐘此皆誠壹之所致由是觀之富無經業則貨無常主能者輻湊不肖者瓦解千金之家比一都之君巨萬者乃與王者同樂豈所謂素封者邪非也

史記正義卷一百二十九